

ՀԱՅ ԺՈՂՈՎՐԴԻ ՎԵՐԱԾՆՈՒՆԴԸ

(Հայաստանում սովետական իշխանության հաստատման 45-ամյակի առթիվ)

Պրոֆ. Գ. Ա. ԳԱԼՈՅԱՆ

Հայ ժողովրդի ազգային ու սոցիալական ազատագրման պատմությունը ավելի քան վառ կերպով վկայում է Հոկտեմբերյան սոցիալիստական մեծ ռևոլյուցիայի ունեցած սկզբունքային նշանակությունը ճնշված ու հարստահարված ժողովուրդների կյանքում:

Րմպերիալիզմի և պրոլետարական ռևոլյուցիաների դարաշրջանում, երբ հայ իրականության մեջ ևս ուժեղացավ դասակարգային շերտավորումն ու սրբվեց հակամարտությունը, հայ ժողովրդի ազգային-ազատագրական պայքարը չէր կարող դուրս մնալ դարաշրջանի պատմական խնդիրների բովանդակությունից: Սոցիալ-դեմոկրատական շարժման առաջացումն ու Լենինի պարտիայի ստեղծումը նոր դարագլուխ բացեցին Ռուսաստանի բոլոր ժողովուրդների ազատագրական պայքարի մեջ: Հայ ժողովրդի ազգային ազատագրման բախտը սերտորեն կապվեց Ռուսաստանի ռևոլյուցիոն բանվորական շարժման բախտի հետ: Վերջինս միակ ուժն էր, որին ապավինած հայ աշխատավոր մասսաները կարող էին իրենց փրկության ուղու վրա կանգնել:

Վ. Ի. Լենինը դեռևս Հոկտեմբերյան ռևոլյուցիայից տարիներ առաջ գրտնում էր, որ ճնշված ազգերի, այդ թվում և հայ ժողովրդի ազգային-ազատագրական շարժումները Ռուսաստանում կարող են հաղթանակով պսակվել, եթե սերտորեն կապվեն ռուս պրոլետարիատի ռևոլյուցիոն ազատագրական պայքարի հետ: Սա միակ ճիշտ կողմնորոշումն էր, որ կարող էր մեր ժողովրդի ազատագրական պայքարը հաղթական վսիսճանի հասցնել:

Հայ ազգայնական պարտիաները, և ամենից առաջ դաշնակցությունը, չկանգնեցին և չէին կարող կանգնել մեր ժողովրդի ազգային ճակատագրի համար անհրաժեշտ այդ դիրքերում: Նրանք չկարողացան մեր ազգային քաղաքականության նավը վարել այնպես, որ նա չջախջախվեր «տաճիկ բռնակալության Սցիլլայի ու ռուսական ցարիզմի Քարիբդայի» արանքում (Ֆ. Էնգելս): Դաշնակցությունը սեպ էր խրում հայ ժողովրդի ազատագրական պայքարի և պրոլետարիատի ռևոլյուցիոն դասակարգային պայքարի միջև:

Հայկական ջարդերը Թուրքիայում, հարյուր հազարավոր հայերի արտագաղթը, պատերազմի ավերածությունները, սովն ու համաճարակները արյունաքամ արին իր ֆիզիկական գոյության համար հաստատակամ մաքառող հայ ժողովրդին: Թվում էր, թե երկրի երեսից իսպառ բնաջնջվում է հազարամյա մշակույթ ունեցող մի ժողովուրդ:

Դարեր շարունակ իր պետականությունը կորցրած հայ ժողովրդի լավագույն մտածողները միայն խորապես հասկացան Լենինյան դրույթի պատմական նշանակությունը, նրանք մեծ ջանքեր գործադրեցին հայ ժողովրդի ազ-

զային-ազատագրական շարժումները մուսաստանի պրոլետարիատի ազատագրական պայքարին սերտորեն միակցելու համար, կանգնեցին հայ աշխատավոր մասսաների զլուխ, որոնք պայքար էին մղում թե՛ օտար, և թե՛ հայ շահագործող վերնախավերի դեմ։

Ի. Լալայանցը, Բ. Կնունյանցը, Ստ. Շահումյանը, Ս. Սպանդարյանը և շատ ու շատ ուրիշներ ոչ միայն որդեգրվեցին Լենինի ստեղծած պարտիային, այլև դարձան նրա ականավոր տեսական ու պրակտիկ գործիչներ։

Ինքնակալության տապալման և ռեկտեմբլյան ռեոլյուցիայի հաղթանակի գործում իր լուծման ունի նաև հայ ժողովուրդը, որն իր ազգային և սոցիալական ազատագրման փրկարար ուղին գտավ ռեկտեմբլյան ռեոլյուցիայի բողոքի մեջ։

Մեծ ռեկտեմբլերս իր հաղթարշավի ամիսներն էր ապրում, երբ Վ. Բ. Լենինի զինավորած Սովետական Ռուսաստանի կառավարությունը 1917 թ. դեկտեմբերի 29-ին բեղունեց ղեկը տ թուրքահայաստանի մասին»։ Սովետական Ռուսաստանը, իմպերիալիզմի ճնշման քաղաքականությանը հակադրելով հայ ժողովրդի լիակատար ազատագրման քաղաքականությունը, հայտարարում էր, որ «Ռուսաստանի բանվորական և զյուղացիական կառավարությունը պաշտպանում է Ռուսաստանի կողմից օկուպացված թուրքահայաստանի» հայերի ազատ ինքնորոշման իրավունքը՝ բնդհույ մինչև լիակատար անկախություն»։ Անդրկովկասում ստեղծված ներքին ու արտաքին ծանր պայմանները և, ամենից առաջ, թուրքական զավթիչների կողմից նշված տերիտորիաների զավթումն ու նրանց ներխուժումը Անդրկովկաս անհնար դարձրին պատմական այդ ղեկերտի իրագործումը։

Թուրքական իմպերիալիզմը՝ Վ. Ի. Լենինի արտահայտությունը, դաշինք կնքեց կովկասյան մենշևիկների հետ։ Անդրկովկասի բուրժուա-նացիոնալիստական պարտիաները հանդես եկան բոլշևիկների դեմ, նրանց վարած քաղաքականությունը հեշտացրեց օտարերկրյա իմպերիալիստների և առաջին հերթին թուրքական զավթիչների առաջխաղացումը Անդրկովկաս։

Թուրքական զորքերի առաջխաղացմանը Անդրկովկաս նպաստեց նաև այն հանգամանքը, որ երկրամասի հակառեոլյուցիոն իշխանությունները շճանաչեցին Բրեստի պայմանագրերը և զբանով իսկ ձևական իրավունք տվեցին ղերմանա-թուրքական զավթիչներին շարունակել պատերազմական գործողությունները կովկասյան ճակատում։ «Քերմանիային և Թուրքիային,—ասել է Վ. Բ. Լենինը 1918 թ. մայիսի 14-ին,—որպես աջակից պետություն, հնարավոր է առաջ շարժվել ու առաջ շարժվել, ոչ մի բանի չպատասխանելով, ոչ մի բանի ուշադրություն չդարձնելով, հայտարարելով՝ մենք կվերցնենք այն, ինչ կկարողանանք վերցնել, մենք չենք խախտում Բրեստի հաշտությունը, որովհետև Անդրկովկասյան բանակը այն չի ճանաչում, որովհետև Կովկասը անկախ է»²։ 1918 թ. առաջին ամիսներին թուրքական զավթիչները օկուպացրին Հայաստանի տերիտորիայի մեծ մասը, սրի ու հրի քաշելով ոչ միայն տեղի, այլև թուրքական յաթաղանից փախած և Անդրկովկասում ապաստան գտած հայ շինականին։ Եւ հայ ժողովրդի բնաջնջման համիդյան քաղաքականության շարունակությունն էր։ Փոխվում էին Թուրքիայի կառավարիչները, սն

1 Ստ. Շահումյան, Երկեր, հատ. 3, Երևան, 1958, էջ 109։

2 Վ. Ի. Լենին, Երկեր, հատ. 27, Երևան, 1951, էջ 462։

փոփոխ էր մնում նրանց հայաչինչ քաղաքականությունը: «Հայերը,—հայտա-
բարել է էնվեր փաշան 1918 թ. դարնանը,—եղև էն և միշտ պետք է լինեն մեր
թշնամիները ու հանդիստ չպետք է թողնեն մեր Անատոլիայի նահանգները,
ավելի լավ է, որ հիմնապես բնաջնջվեն նրանք նաև Կովկասի մեջ, ինչպես
բնաջնջվել են Քուրդիայի մեջ»:

1918 թ. Անդրկովկաս ներխուժած թուրքական բարբարոսների կարևորա-
գույն խնդիրներին մեկը հենց այդ էր: Հայ ժողովուրդը նորից կանգնեց ֆի-
զիկական բնաջնջման վտանգի առաջ: Աշխարհը կրկին բար անտարբերությամբ
նայեց հայ ժողովրդի նոր ողբերգությանը:

Միայն Սովետական Ռուսաստանն էր, որ պտնվելով քաղաքացիական
պատերազմի ծանր պայմաններում, իր բողոքի ձայնը բարձրացրեց Գերմա-
նիայի հովանու տակ կատարվող թուրքական նոր բարբարոսությունների դեմ:
«Թուրքական զորքերի և բրդերի տաջիսադաշումը կովկասյան ճակատում,—
ասվում էր Գերմանական կայսրությանն ուղղված Սովետական Ռուսաստանի
1918 թ. ապրիլի 18-ի բողոքի նոտայում,—ուղեկցվում է հայ ժողովրդի մաս-
սայական բնաջնջմամբ: Նաղաղ բնակչությունը, կանայք և երեխաները կո-
տորվում են հագարներով, նրանց պույրը թալանվում ու հրկիղվում է: Այն պայ-
մանագիրը, որ մենք ստիպված եղանք կնքել Բրեստում, Արդահանի, Կարսի
և Բաթումի շրջանների բնակչության բախտը թողնում էր հենց իրեն՝ բնակչու-
թյան կամքի դրսևորմանը: Այն, ինչ կատարվում է այդ շրջաններում, վը-
կայում է, որ հայ ժողովրդի բնաջնջման տասնյակ տարիներ կիրառվող բա-
ղաքականությունը շարունակվում է նաև այժմ: Թուրքական ուղմաճակատում
դերակշռությունը Ռուսաստանի կողմն էր, որը ստիպված եղավ Արդահանը,
Կարսը և Բաթումը տալ միայն այն պատճառով, որ Քուրդիայի դաշնակիցը
Իերմանիան էր:

Պատասխանատվությունը այն սարսափների համար, որին ենթարկվում է
հայկական բնակչությունը այժմ թուրքերի կողմից գրաված մարզերում, բնկ-
նում է գերմանական կառավարության վրա. որի ուղղակի օգնությամբ Քուր-
դիան ձևոր է բերել այդ մարզերը»:

ԻՄՅՍՍԻ Արադործժողկոմասը համանման բողոքի նոտաներ ներկայաց-
րեց նաև 1918 թ. սեպտեմբերի 10-ին և հոկտեմբերի 10-ին և ապա շեղյալ հայ-
տարարեց Երեստի պայմանագիրը:

1918 թ. դարնանը Հայաստանում իշխանության գլուխ անցան դաշնակ-
դականները: Նրանք պետական կառավարման լիակատար անրեդունակություն
հանդես բերեցին: Դաշնակցության խոստացած «դրախտ» Հայաստանը վերած-
վեց սովի ու տղրատության, որբերի ու համաճարակների երկրի: Դաշնակների
իշխանության գլուխ անցնելը նշանավորվեց Բաթումում 1918 թ. հունիսին
թուրքերի հետ կնքած պայմանագրով, որով «Հայաստանը» սահմանափակ-
վում էր Սրեանով և նրա շրջակայքով:

Ինչպե՞ս պատահեց, որ Քուրդիայի կառավարողները, չհասած իրենց հա-
յաչինչ քաղաքականության ավարտին, այնուամենայնիվ ստորագրեցին Բա-
թումի պայմանագիրը, որը խիստ ստորացուցիչ էր մեր ժողովրդի համար և
որը, սակայն, թուրքերի կողմից «մեծ գիշում» էր դիտվում:

³ «Документы внешней политики СССР», т. I, Москва, 1957, էջ 240—241:

1918 թ. գարնանը Ղարաքիլիսայի և Սարգարաբատի հայ աշխատավորները մեծ ջարդ տվին հղիացած թուրքական օկուպանտներին: Ղարաքիլիսան և Սարգարաբատը ցույց տվեցին թուրքական անզուսպ ջարդարարներին, որ հայ ժողովրդի դիմադրական ոգին հաղթահարված չէ և իրենք չեն կարող Կովկասում հայերին բնաջնջել նույն հեշտությամբ, ինչ նրանց հաջողվեց անել բուն Թուրքիայում:

Բայց ոչ միայն այդ: Փոխվել էին ժամանակները, փոխվել պայմանները: Նյութսում ծագած արշալույսի ցուրերը այն ժամանակ անհաղթահարելի թրվացող պատնեշների միջով թափանցում էին Հայաստանի պարարտ հողը և վշտերի մշուշի տակ հույսերի ծիլեր էին ծնվում: Հոկտեմբերյան ռևոլյուցիայի հաղթանակը հավատ էր ներշնչում հայ ժողովրդին նրա ազատագրական պայքարում, բարձրացնում նրա դիմադրական ոգին:

Իսկ թուրք կառավարողները: Նրանք նոր դավ էին լարում հայ ժողովրդի դեմ: «Բթթիհատ վր թերաբք»-ի պարագլուխները դաշնակցությանը բաշխած «անկախությամբ» փորձում էին գոհացում տալ միջազգային հասարակական կարծիքին, լուծված համարել հայկական հարցը և հայ դատը հանելով միջազգային դիվանագիտական ոլորտներից, այն դարձնել զուտ հայ-թուրքական հարաբերությունների հարց: Այդ ևն վկայում թուրքական գործիչների տասնյակ անգամ արված հայտարարությունները, թե «հայկական հարցը արդեն վերջնականապես լուծված է հայկական հանրապետության ստեղծումով»: Մի լուծում, որը հնարավորություն պետք է տար նրանց Հայաստանը անջատել Ռուսաստանից և անդրկովկասյան մյուս ժողովուրդներից, տնտեսական ու քաղաքական կախման մեջ դրել Թուրքիայից և մի հարմար առիթով հասնել հայկական հարցի վերջնական լուծմանը՝ թուրքական վարիանտով:

Բայց օտար նվաճողների և երկրամասի բուրժուա-նացիոնալիստական պարտիաների քաղաքականությունը դեմ էր առնում բանվորների ու զյուղացիների ռևոլյուցիոն պայքարին, որը հսկայական ալիքի էր վերածվել Հոկտեմբերյան ռևոլյուցիայի ազդեցության տակ:

Անդրկովկասում 1918—20 թթ. բուրժուա-նացիոնալիստական պարտիաների տիրապետության տարիներին լուրջ հարված հասցվեց մեր ժողովուրդների տրադիցիոն ինտերնացիոնալ բարեկամությանը: Բայց, շնայած դրան, երկրամասի բոլշևիկյան կազմակերպություններին հաջողվեց Վ. Ի. Լենինի գլխավորած պարտիայի ղեկավարությամբ հաղթահարել շովինիզմի մղձավանջը և հայ, վրացի, ադրբեջանցի ու մյուս ազգությունների աշխատավորներին համախմբել մեկ ընդհանուր բանակի մեջ: Անդրկովկասի ժողովուրդների ինտերնացիոնալ համախմբման խորհրդանիշը հանդիսացավ Բաքվի հերոսական Կոմունան:

Հայաստանի, Վրաստանի և Ադրբեջանի 1920 թ. ստեղծված կոմունիստական պարտիաների ղեկավարությամբ երկրամասի բանվորները ձեռք-ձեռքի տված պայքարեցին իրենց սոցիալական ու ազգային ազատագրության համար: Այդ պայքարում մեր ժողովուրդներին անշահախնդիր և զբաղյալական օգնություն ցույց տվեցին Սովետական Ռուսաստանի աշխատավորները:

Սովետական Ռուսաստանի քաղաքականությունը Անդրկովկասում բխում էր մեր ժողովուրդների ազգային շահերից, սոցիալիստական ռևոլյուցիայի շահերից: Դրան չէր հակասում նաև Քեմալական Թուրքիայի նկատմամբ Սովետական Ռուսաստանի ունեցած դիրքը:

Քեմալ փաշայի իշխանության գլուխ անցնելուց ի վեր, թուրքական նա-
ցիոնալիստների դեմոկրատական տարրը՝ Քեմալի գլխավորությամբ, իր երկ-
րին սպառնացող իմպերիալիստական վտանգից պաշտպանվելու համար Սո-
վետական Ռուսաստանի հետ համերաշխության ձգտում հանդես բերեց։ Սո-
վետական Ռուսաստանը ընդառաջ դնաց և օղնության ձեռք մեկնեց թուր-
քիային՝ իմպերիալիզմի և թուրքական սուլթանի առավել ունակցիոն լուծը թո-
թափելու համար։ Սա էր սովետա-թուրքական բարեկամությունը պայմանա-
վորող լծակը։ Բացահայտելով քեմալականների նկատմամբ Սովետական Ռու-
սաստանի կառավարության քաղաքականության էությունը, Չիչերինը 1920 թ.
սեպտեմբերի 14-ին գրել է Լեգրանին. «Բարեկամական քաղաքականությունը
քեմալականների նկատմամբ մեզ համար խիստ կարևոր ենք համարում։ Նր-
անք մուսուլմանականության մեջ հանդիսանում են առաջադիմական և դեմո-
կրատական էլեմենտ, նրանց կործանումը կարող է, թեկուզ և ժամանակավո-
րապես, հանգեցնել ամենաուսուցիչ պանիսլամիզմի և ֆանատիզմի դարգաց-
մանը՝ ուղղված ռուլյուցիայի և մեր դեմ»⁴։

Պանիսլամիզմի և մուսուլմանական ֆանատիզմի հաղթանակը կարող էր
իրոք ավելի աղետալի նշանակություն ունենալ նաև հայ ժողովրդի և հատկա-
պես թուրքահայերի հրաշքով կենդանի մնացած բեկորների համար։

Սովետական Ռուսաստանի կառավարությունը բազմիցս հայտարարել է,
որ, թուրքիայի հետ բարեկամական քաղաքականություն վարելով, Սովետական
Ռուսաստանը ելնում էր նաև այն բանից, որ քեմալականները հավատարիմ
կմնան իրենց հռչակած սկզբունքներին, մասնավորապես ժողովուրդների ինք-
նորոշման և թուրքահայաստանում թուրքահայերի համար բավարար տերիտո-
րիաներին անկախություն տալու սկզբունքին։ Բայց, ինչպես կյանքը ցույց
տվեց, թուրքական նոր կառավարության մեջ ազդեցիկ ուժ ներկայացնող նա-
ցիոնալիստները հայկական հարցում ժառանգել էին հին թուրքիայի քաղա-
քականությունը և հավատարիմ էին մնացել սուլթան Համիդի սկզբունքներին։

Թուրքական կառավարողները բացահայտորեն թեքվեցին աջ, սկսեցին սի-
րաշահել Անտանտին, իրենց նվաճողական քաղաքականությունն իրականաց-
նելու համար։ Թուրքական զորքերը 1920 թ. աշնանը նորից ներխուժեցին Հա-
յաստան, նպատակ ունենալով գրավել ոչ միայն Հայաստանը, այլև ամբողջ
Անդրկովկասը և ամենից առաջ Սովետական Ադրբեջանը։ Վ. Բ. Լենինը միան-
գամայն ճիշտ գնահատեց թուրքական կառավարողների քաղաքականությունը,
այն կապելով Անտանտի իմպերիալիստական-հակասովետական քաղաքակա-
նության հետ։

1920 թ. հոկտեմբերի 9-ին պարտիայի Մոսկվայի կազմակերպության
ակտիվի խորհրդակցությունում տված զեկուցման մեջ Վ. Բ. Լենինը նշեց.
«Վերջերս թուրքերը հարձակում են սկսել Հայաստանի վրա, նպատակ ունե-
նալով գրավել Բաթումը, իսկ հետո կարող է և Բաքուն։ Հասկանալի է, որ մենք
այդ հարցում պետք է հանդես բերենք մաքսիմում զգուշություն»⁵։ Հենց այդ
օրերին Դ. Կ. Օրջոնիկիձեն հաղորդում էր Վ. Բ. Լենինին, որ թուրքական նա-
ցիոնալիստները՝ էնվեր փաշան և Բեքիր Սամի-բեյը լեռնականների մեջ աշ-
խատանք են տանում, այսպես կոչված, անկախ լեռնական ռեսպուբլիկա ռու-

⁴ ЦПА ИМЛ при ЦК КПСС, ф. 64, оп. 2, ед. хр. 11, л. 154.

⁵ «Ленинский сборник», XXXVI, Москва, 1959, էջ 131.

տեղծելու օգտին: Իսկ երբ Բեքիր Սամի-բեյը մոսկովյան բանակցություններին՝ հետո վերադարձավ Անկարա, նա բացահայտ աշխատանք էր տանում կառավարության մեջ՝ իմպերիալիստական պետություններին մերձենալու ուղղությամբ:

Ելնելով Հենինի ցույցումներից, Գ. Չիչերինը հոկտեմբերի 14-ի № 305 հեռագրով ղերեկտիվ էր տալիս Բ. Հեզրանին՝ խիստ զգույշ լինել բեմականների, ինչպես նաև հայերի հետ ունեցած հարաբերություններում:

Չիչերինը, խիստ վտանգավոր համարելով բեմականների ռազմական դործողությունները, առաջարկում էր Հեզրանին սխտեմատիկորեն խաղաղ քաղաքականություն անցկացնել, որպեսզի Անդրկովկասում լուրջ ճգնաժամ չառաջանա, որպեսզի Անտանտը Մովետական Ռուսաստանին չներգրավի պատերազմի մեջ: Պատերազմի ցանկալի ելքի դեպքում Անտանտի իմպերիալիստները մտադիր էին օգտագործել ադիթը և Հայաստանը պաշտպանելու պատրվակով զորքեր մտցնել այնտեղ:

1920 թ. դեկտեմբերի 21-ին սովետների 8-րդ համագումարի ԹԿ(բ)Պ ֆրակցիայի նիստում Հենինը հայտարարեց, որ «Թուրքական հարձակումը մեր դեմ էր ուղղված: Անտանտը մեզ համար փոս էր փորում և ինքն էլ րնկավ այնտեղ, որովհետև մենք ձեռք բերեցինք Մովետական Հայաստան:

Թուրքիան ղեկավարում են կադետները, օկուպրորիստները, նացիոնալիստները, որոնք պատրաստ են մեզ Անտանտին ծախել»⁶:

Սա է Հենինի տված զնահատականը Քեմալի կառավարության վարած քաղաքականությանը: Չի կարելի շփոթել Քեմալի և նրա ղեկավարած կառավարության քաղաքականությանը Հենինի տված զնահատականը այն անկեղծ ձգտման հետ, որ հանդես էր բերում Վ. Բ. Հենինը Թուրքիայի հետ հարաբերությունները բարելավելու ուղղությամբ:

Այն քանի խոսք 1920 թ. հայ-թուրքական պատերազմի մասին: Սերի պայմանագիրը խիստ անհանգստություն էր առաջ բերել թուրքերի մոտ: Անտանտի իմպերիալիստները դրանով ճնշում էին դործադրում Թուրքիայի վրա, խոստանալով վերանայել այդ պայմանագիրը, եթե Թուրքիան հանդես գա Սովետական Ռուսաստանի դեմ: Թուրքական ազդաշնամուրները, արտաքին դործերի միևնույն ժամանակ իրենց զինավորությունները, աշխատում էին օգտագործել 1920 թ. սովետա-թուրքական բանակցությունները՝ Անտանտի իմպերիալիստներից գիշումներ ստանալու համար: Նրանք իրենք էլ շատ լավ էին հասկանում, որ ռազմական տեսակետից խիստ թույլ զաշնակցական Հայաստանը չէր կարող ունալ վտանգ սպառնալ Թուրքիայի ազդաշին-ազատագրական շարժմանը: Բայց Անդրկովկասում իրենց նոր ադրեսիան արդարացնելու համար նրանք մեծ ադմուկ էին բարձրացրել հայկական վտանգի մասին: Խորամանկ քաղաքականություն էին վարում թուրքական ունկցիոներները: Իրենց ադրեսիվ քաղաքականությունը բողարկելով Անտանտի զաշնակից զաշնակցական Հայաստանի դեմ պաշքարելու անհրաժեշտությամբ, նրանք միաժամանակ ամեն կերպ օգտագործում էին Անտանտի հակասովետական քաղաքականությունը, իրենց նոր ավանտյուրայում նրանց պաշտպանությունն ստանալու համար:

⁶ «Коммунист», 1963. № 6, էջ 8:

Նախ պետք է նշել, որ սխալ է այն կարծիքը, թե 1920 թ. աշնան թուրքական հարձակումը Հայաստանի վրա ուղղված էր իմպերիալիզմի և հատկապես Սևրի պայմանագրի դեմ: Ինքը՝ Քեմալ փաշան է խոստովանում, որ դեռևս 1920 թ. մայիսի վերջերին, այսինքն Սևրի պայմանագրի կնքումից դեռ շատ առաջ, իրենք որոշում էին րնդունել հարձակվել Հայաստանի վրա և Կարաբեքի փաշային նշանակել էին Արևելյան ռազմաճակատի հրամանատար: Երբ Սովետական Ռուսաստանի կառավարությունը հայտնի դարձավ այս փաստը, նա, ինչպես այդ մասին հիշատակվում է Սովետական Ռուսաստանի կառավարության՝ դաշնակցական կառավարությանը 1920 թ. հուլիսի 19-ին ուղարկած նոտայում, անմիջապես դիմեց Թուրքիայի կառավարությանը, պահանջելով դադարեցնել զորակոչը: Միայն Սովետական Ռուսաստանի ճնշման տակ Թուրքիան ստիպված եղավ ժամանակավորապես հետաձգել իր հարձակումը Հայաստանի վրա: Եվ ահա հենց այս ժամանակ էր, որ դաշնակցական կառավարությունը, փոխանակ օգտվելու Սովետական Ռուսաստանի կողմից առաջարկված օգնությունից, գերադասեց ապավինել Անտանտին, ամեն կերպ խանգարել Սովետական Ռուսաստանի հետ հարաբերությունների բարելավմանը, որով և Անտանտի ուրվոճացիաների դոճը դարձավ: Դաշնակցականները ժխտ չդրեցին թուրքական պրովոկացիաների համար առիթներ տալու գործում, Անտանտի հրահրանքով նրանք ուղղակի պատերազմի էին ձգտում: Սովետական Ռուսաստանը արմատապես շահագրգռված էր Կովկասում խաղաղության պաշտպանությունը: Երկրի ներքին և արտաքին պայմանները այդ էին թելադրում: Իսկ Անտանտը՝ Վերջինս շահագրգռված էր Անդրկովկասում բաղաբական դրությունը բարդացնելու մեջ: Նա նպատակ ուներ իր կողմից հրահրվող հայ-թուրքական պատերազմը վերածելու սովետա-թուրքական պատերազմի, դրանով իսկ պինված ինտերվենցիայի նոր ռազմաճակատ բացելով Սովետական Ռուսաստանի դեմ՝ Կովկասում:

Հայտնի է պատմությունից, որ արևմտյան տերությունները հայկական հարցը միշտ էլ օգտագործել են Թուրքիայի վրա ճնշում գործ դնելու համար և հենց որ ստացել են պահանջվող դիջումը, շատ արագ մոռացել են հայկական հարցի գոյությունը: Այդպես եղավ. օրինակ, 1878 թ. և հետագա տարիներին 1920 թ. ամռանը նորից ասպարեզ հանվեց այդ բաղաբականությունը: Երբ Սովետական Ռուսաստանի ճնշման տակ Թուրքիան 1920 թ. դարնանք ստիպված եղավ ձեռնպահ մնալ Հայաստանի վրա կատարվող հարձակումից, Անտանտի իմպերիալիստները ամեն կերպ աշխատեցին այլ ճանապարհներով հասնել իրենց նպատակներին: Նրանք մի կողմից սիրաշահում էին Թուրքիային, մյուս կողմից՝ կնքում Սևրի պայմանագիրը, որով հայկական տերիտորիաների մի զգալի մասը խոստանում էին տալ Հայաստանին: Թևովորված Սևրի պայմանագրով, դաշնակցությունն սկսեց որպես մի թղթի կտոր դիտել օգոստոսի 10-ին Սովետական Ռուսաստանի հետ կնքած համաձայնագիրը: Իաշնակցականները նորից խարվեցին. նրանք չհասկացան, որ ինչպիսի իրադրություն էլ ստեղծվեր, միևնույն է, Սևրի պայմանագրով նախատեսված հողերը չէին տրվելու Հայաստանին, որ դա դիվանագիտական մի խորամանկ խաղ էր, որի նպատակն էր դաշնակցական Հայաստանը դարձնել իմպերիալիստների համար հուսալի հակասովետական պլացդարմ, իսկ թուրքերին զբրդրել Հայաստանի դեմ: Եվ որովհետև Թուրքիայի ներխուժումը Անդրկովկաս էր կարող շունենալ հակասովետական ուղղություն, ապա այն, Անտանտի հա-

շիվներով, պետք է առաջ բերեն ռազմական նոր կոնֆլիկտ Թուրքիայի և Սովետական Ռուսաստանի միջև և Թուրքիան զցեր Անտանտի գիրկը։ Սա էր Ուերի պայմանագրի չգրված հողվածների բովանդակությունը, որը հասկանալու ընդունակություն չկարողացան հանգես բերել հայ «ազգային ջոջերը»։

Եվ այսպես, խաբված Հայաստանը նորից ներքաշվեց ավերիչ պատերազմի մեջ։ Թուրքական կառավարության ռեակցիոն կլիկը, հանձինս Բեքիր Սամիի, Կարաբեքիրի, Յուսուֆ Քեմալի և մյուսների, նորից ձեռնամուխ եղավ հայ ժողովրդի բնաջնջման քաղաքականության կենսագործմանը։

Թուրքական արշավանքը նոր ահավոր սարսափներ բերեց վիրավոր հայ ժողովրդին։ Միայն 1920 թ. ընթացքում Թուրքիայի կողմից օկուպացված տերիտորիաներում ոչ լրիվ տվյալներով սպանվել է 30 հազար տղամարդ, 25 հազար կին ու աղջիկ, 5 հազար երեխա, վիրավորվածների ընդհանուր թիվը հասնում էր մոտ 60 հազար մարդու։ Թուրքական բարբարոսները առեանգեցին ավելի քան 50 հազար կին ու աղջիկ, գերության քշեցին հազարավոր աշխատունակ տղամարդկանց։ Այս հաշվի մեջ չեն մտնում սովի և համաճարակի հետևանքով մահացածները։ Թուրքական այս արշավանքի հետևանքով հրի ու սրի քաշվեցին ավելի քան 200 հազար հայեր։ Եվ միթե սա Թուրքիայի հայաջինջ քաղաքականության շարունակությունը չէր, և միթե 1915 թ. ավարտվեց հայկական եղեռնը։ Ո՛չ, իհարկե։ Այսպես մտածողները ճիշտ չեն գնահատում Թուրքիայի քաղաքականությունը Անդրկովկասում և ըստ էության թերագնահատում են Հոկտեմբերյան ռեյուցիայի և սովետական իշխանության սկզբունքային նշանակությունը հայ ժողովրդի ճակատագրում։

Անցյալ դարի 70-ական թթ. ծրագրված և 90-ական թթ. սկսված հայկական մասսայական ջարդերը շարունակվեցին մինչև 1921 թ. սկզբները և եթե չլինեք Սովետական Ռուսաստանը, հարց է, թե այս ահավոր աշխարհի ահավոր անտարբերության պայմաններում թուրքական նացիոնալիստները կդադարեցնե՞ին հայերի բնաջնջումը թե ոչ։

1920 թ. աշնան օրհասական օրերին միայն Սովետական Ռուսաստանն էր, որ իր փրկարար ձեռքը մեկնեց հայ ժողովրդին։ Վ. Ի. Լենինի անմիջական ցուցումներով սովետական կառավարությունը իր լիազոր ներկայացուցչին ուղարկեց Հայաստան, և երբ թուրքական զորքերն անկաշկանդ շարժվում էին առաջ իրենց հետ բերելով մահ ու ավերածություններ, իսկ հայերի դարավոր «պաշտպանները»՝ Անտանտի և ԱՄՆ-ի իմպերիալիստները ոչ միայն բացահայտ իրաժարվեցին Հայաստանին օգնություն կազմակերպելուց, այլև բորբոքում էին այդ պատերազմը, Լենինի գլխավորած սովետական կառավարությունն էր, որ հանդես եկավ առաջտրկությամբ՝ օգնել հայ ժողովրդին թուրքական առաջխաղացումը կասեցնելու, հայ ժողովրդին կործանումից փրկելու համար։

Փորձից խրատված, կոտորածներից խոշտանգված և պատերազմներից արյունաքամ եղած հայ աշխատավոր մասսաները կրկին համոզվեցին, որ իրենք ոչինչ չունեն սպասելու ո՛չ Անտանտի իմպերիալիստներից և ո՛չ էլ ներանց կամակատար դաշնակցությունից։ Պարզից էլ պարզ էր, որ հայ ժողովրդի փրկության միակ ելքը երկրում սովետական իշխանության հաղթանակը կարող էր լինել, ռուս մեծ ժողովրդի հետ դաշինքի ամրապնդումը։ 1920 թ. նոյեմբերի 29-ին Հայաստանում հաղթեց սովետական իշխանությունը։ Ապրստամբ մասսաների խնդրանքով նրանց օգնության եկան հերոսական 11-րդ բանակի քաջարի մարտիկները։ Մեծ Հոկտեմբերի արևը ծագեց հայոց լեռնաշ-

խարհի վրա: Հայ ժողովրդի պատմության մեջ բացվեց նոր դարագլուխ: Ի. Ի. Լենինը Հայաստանի ռազմառևոլյուցիոն կոմիտեի նախագահ Ս. Կասյանին ուղարկած հեռագրում անհուն բերկրանքով ողջունեց իմպերիալիզմի ճնշումից ազատագրված աշխատավորական Հայաստանը:

Հարկ է նշել, որ Անդրկովկասում այդ ժամանակ ստեղծված ներքին և միջազգային դրությունը պայմանավորեց Սովետական Հայաստանի արտաքին քաղաքական հարցերի լուծումը: Այդ հարցերը միանգամայն այլ լուծում կարող էին ստանալ, եթե 1920 թ. ծագած մայիսյան ապստամբությունը հաղթանակով պսակվեր: Հայտնի է, որ Հայաստանի ռևոլյուցիոն կոմիտեն 1920 թ. մայիսի 10-ին տապալված հայտարարեց դաշնակցական կառավարությունը և Լրկրում հռչակեց սովետական իշխանություն: Ինչպես երկրի ներքին, այնպես էլ արտաքին պայմանները աներկբա նախադրյալներ էին ստեղծել Հայաստանում սովետական իշխանության հաղթանակի համար: Աշխատավորների իշխանության նկատմամբ դասակարգային ատելություն տածող դաշնակցությունը, օտարերկրյա իմպերիալիստների օգնությամբ, վայրենի կատաղությամբ ճնշեց ապստամբությունը: Դաշնակցականները չկարողացան հասկանալ պատմական զարգացման տենդենցը և մեր ժողովրդի ազգային շահերը զոհաբերեցին իրենց իշխանական կրքերին, Հայաստանը դարձրին դիվանագիտական կոմբինացիաների առարկա:

Սովետական իշխանության հաղթանակից հետո Հայաստանի կոմունիստական պարտիայի առջև կանգնեց ավելի բարդ ու պատասխանատու խնդիր՝ երկրի օկուպացված տերիտորիաների ազատագրման, քայքայված ժողովրդական տնտեսության վերականգնման և սովետական իշխանության ամրապնդման խնդիրը:

Մանր, շատ ծանր, թանկ գնով Հայաստանի աշխատավորները կկարողանային իրագործել այդ բարդ խնդիրը, եթե դարձյալ մեզ օգնության ձեռք չըմենք ուս մեծ ժողովուրդը:

Սովետական Ռուսաստանը մեծ ջանքեր գործադրեց թուրքական օկուպանտներին Հայաստանի տերիտորիայից դուրս վռնդելու, ինչպես նաև շանդեգուրը դաշնակցականներից ազատագրելու գործում:

Հայտնի է, որ մինչև սովետական իշխանության հաստատումը Հայաստանում թուրքական նացիոնալիստները հայ ժողովրդի բնաջնջման քաղաքականությունը փորձում էին քողարկել դաշնակցության դեմ մղվող պայքարով:

Հայաստանում սովետական կարգեր հաստատվելուց հետո թուրքական կառավարողները հնարավորություն չունեին սքողելու իրենց հայաջինջ քաղաքականությունը և բացահայտ պատրաստվում էին նորից վերսկսել պատերազմական գործողությունները: Ինչպես նշվում էր Սովետական Հայաստանի Արտգործողկոմի 1921 թ. հունվարի 19-ի՝ թուրքական կառավարությանը ուղղված նոտայում, թուրքական օկուպացիոն զորամասերը սխտեմատիկաբար կատարում էին բռնություններ, թալան ու աշխատավոր խաղաղ ժողովրդի սպանություններ ոչ միայն Ալեքսանդրապոլում, այլև Կարսում և օկուպացված մյուս բոլոր վայրերում: Այն վայրը, ուր մուտք էր գործում թուրքական զինվորը, բառիս բուն իմաստով վեր էր ածվում ավերակների կույտի: Թալանելով ժողովրդի ամբողջ ունեցվածքը, օկուպանտները գերում և ստրկության էին տանում աշխատունակ բոլոր տղամարդկանց: «18-ից մինչև 50 տարեկան ամբողջ աշխատունակ արական բնակչությանը քել են,—ասվում է վերը նշված նոտա-

յում,—նրանց հաղուստները խիլ և զրանց փոխարեն պարկերից կարված հաղուստներ են տվել: Օտարության բշված այդ բոլոր մարդիկ հարկադիր աշխատանքի են ուղարկվել...

Կարսում. թուրքական զորքերի կողմից քաղաքի գրավումից հետո առաջին երեք օրերի ընթացքում կատարվող կողոպուտները, բռնադատություններն ու սպանությունները բնդհանուր բնույթ բնորոշեցին և վերածվեցին կազմակերպված կողոպուտի և ջարդի...»⁷:

Ք. Չիլերինը 1921 թ. հունվարի 18-ին Ք. Օրջոնիկիձեի միջոցով Անկարայում Սովետական Ռուսաստանի ներկայացուցչին պատվիրում էր հատուկ ուշադրություն դարձնել Հայաստանը աղետալի վիճակից դուրս բերելու խնդրի վրա: «Թուրքերը,—գրում է Չիլերինը,—բռնկադաշի են ենթարկում նրան, կողոպուտում են, սովի դատապարտում»⁸:

Սովետական Ռուսաստանի կառավարությունը բազմաթիվ նոտաներով դիմում է թուրքական կառավարությանը, պահանջելով հեռացնել օկուպացիոն զորքերը Հայաստանից՝ համաձայն 1921 թ. մարտի 16-ի պայմանագրի:

Վովկասյան ռազմաճակատի ռազմա-ռեյտիցիոն խորհրդի անդամ Դ. Վ. Օրջոնիկիձեին 1921 թ. ապրիլի 6-ին ուղարկած հեռագրում Ք. Չիլերինը հաղորդում է. «Այի Ֆուադը (Մոսկվայում Թուրքիայի դեսպանը—Ք. Ք.) ինձ խոստացել է անհապաղ ազատել Այերսանդրապոլը: Նրան իսկույն ես իմ հաղորդումում Կարաբերդի խուլիպանության մասին, մատնանշելով, որ Թուրքիայի և Սովետական Հայաստանի միջև պատերազմը կնշանակի պատերազմ Թուրքիայի և Սովետական Ռուսաստանի միջև»:

Թուրքական օկուպացիոն զորքերի հրամանատար Կարաբերդի փաշան ջրնիկորեն հայտարարեց, թե ինքը չի ցանկանում ազատել Այերսանդրապոլը: Ք. Չիլերինը 1921 թ. ապրիլի 8-ին այդ անթիվ հեռագրել է Ք. Օրջոնիկիձեին. «Մեր անունից կտրուկ բողոք հայտնեցեք Կարաբերդի փաշայի այն հայտարարության դեմ, թե նա չի ցանկանում ազատել Այերսանդրապոլը և Ազգային մեծ ժողովի կառավարության հաղորդեցեք, որ մենք վճռականապես պնդում ենք, որ թուրքական զորքերն անհապաղ հեռանան Մոսկվայում որոշված սահմաններից այն կողմ: Մատնանշեցեք այն բանը, թե ինչ ճակատադրական հետևանքներ կարող է ունենալ թուրքական զորքերի բնդհարումը կարմիր բանակային զորամասերի հետ»⁹:

Միայն Սովետական Ռուսաստանի վճռական քայլերից հետո թուրքական կառավարությունը ստիպված եղավ իր օկուպացիոն զորքերը դուրս բերել 1921 թ. մարտի 16-ի պայմանագրով սահմանված տերիտորիաներից և հրաժարվել պատերազմական գործողությունները վերսկսելու իր մտադրությունից:

Անհրաժեշտ է նշել, որ Քիմայի գլխավորած թուրքական կառավարությունը վերջապես հասկացավ, որ Սովետական Հայաստանը Սովետական Ռուսաստանի անբաժան մասն է, և որ սովետական կառավարության հայտարարությունները այն մասին, թե եղբայրական Սովետական Հայաստանի նկատմամբ յուրաքանչյուր ոտնձգություն դիտվում է որպես ոտնձգություն Սովետական Ռուսաստանի նկատմամբ ոչ թե լուկ գիվանադիտական հայտարարու-

⁷ «Документы внешней политики СССР», т. III, М., 1959, էջ 430—436:

⁸ Նույն տեղում, էջ 479:

⁹ Նույն տեղում, հատ. IV, Մոսկվա, 1960, էջ 50:

¹⁰ Նույն տեղում, էջ 55:

թյուններ են, այլ բաղաբականության սկզբունք, որը սրբությունը պաշտպանում էր լենինի գլխավորած կառավարությունը։ Այդ պատճառով Քեմալի կառավարությունը ստիպված եղավ վերանայելու իր բաղաբական կուրսը Հայաստանի հարցում։

Լենինի գլխավորած Սովետական Ռուսաստանի կառավարությունը, պաշտպանելով Սովետական Հայաստանի արտաքին-բաղաբական շահերը, միաժամանակ անդուլ հոգատարություն էր ցույց տալիս Հայաստանի բայրայված տնտեսությունը վերականգնելու, հայ ժողովրդին տնտեսական օգնություն կաղմակերպելու գործում։

Վ. Ի. Լենինի նախաձեռնությամբ ԽՍՀՄ-ի ժողկոմսովետը որոշում բնդունեց Սովետական Հայաստանին օգնելու համար բաց թողնել 600 հաղար ուուրի (ոսկով), ինչպես նաև մեծ բանակությամբ աղրանքներ, աղրենամթերք, վառելանյութ, հացահատիկ և այլն։ Միայն 1921 թ. բնթացքում Սովետական Ռուսաստանը Հայաստանին որպես օգնություն բաց է թողել երեք և կես միլիոն ոուրի (ոսկով), հսկայական բանակությամբ աղրենամթերք, հաղուստեղեն, գյուղատնտեսական գործիքներ, արդյունարերական աղրանքներ և այլն։ Այս օգնության նշանակությունը հատկապես զնահատելի է դառնում, երբ հաշվի ենր առնում Սովետական Ռուսաստանի տնտեսության բայրայված վիճակը։

Մոսկվայում և այլ բաղաբներում ստեղծվեցին Սովետական Հայաստանին օգնություն ցույց տվող կոմիտեներ։ Հայ ժողովրդին տնտեսական լուրջ օգնություն կաղմակերպեցին նաև եղրայրական Աղրբեջանի լանվորներն ու գյուղացիները։

Սովետական Հայաստանում սոցիալիստական շինարարության գործը հաջող կաղմակերպելու նպատակով Վ. Ի. Լենինի առաղարկով Հայաստան՝ ղեկավար աշխատանքի ուղարկվեց պարտիայի ականավոր գործիչ Ալեքսանդր Մյասնիկյանը, իսկ հետագայում՝ Ս. Լուկաշինը և մի շարք այլ ականավոր գործիչներ։

Եալով Հայաստան, Ալ. Մյասնիկյանը նշանակվում է Հայաստանի ժողկոմսովետի նախագահ և ամբողջովին նվիրվում երկրի ժողովրդական տնտեսության վերականգնմանը։ Նախքան Հայաստան գալը Ալ. Մյասնիկյանը հանդիպում է ունենում Վ. Ի. Լենինի հետ և երկար գրուցում Կովկասում վարվելիք բաղաբականության մասին։

Անդրկովկասի ուսպուրիկաներում սոցիալիստական էկոնոմիկայի հիմքերն ստեղծելու գործում ծրաղրային փաստաթուղթ է հանդիսանում Վ. Ի. Լենինի 1921 թ. աղրիլի 14-ի նամակը ՔԱղրբեջանի, Վրաստանի, Հայաստանի, Իսղոտանի, Լեռնականների ուսպուրիկայի կոմունիստ րնկերներին, որն իր հետ Կովկաս րերեց Ալ. Մյասնիկյանը։ Ջերմաղին ողջունելով Կովկասի սովետական ուսպուրիկաները, Վ. Ի. Լենինը կոմունիստների առաջնահերթ խնդիրներից մեկը համարում էր Կովկասի տարեր աղգությունների բանվորների և գյուղացիների միջև աղղային խաղաղության ամրապնդումը։ Վ. Ի. Լենինը հաստատ հույս էր հայտնում, որ Կովկասի սովետական ուսպուրիկաների ռերտ դաշինքը կստեղծի աղղային խաղաղության մի այնպիսի օրինակ, որը չի տեսված բուրժուաղիայի ժամանակ և անհնարին է բուրժուական հասարակարղումս¹⁾։

1) Վ. Ի. Լենին, Երկեր, հատ. 32, Երևան, 1952, էջ 402։

Սա Վ. Ի. Լենինի պատվիրանն է Կովկասի բոլոր կոմունիստներին, բոլոր աշխատավորներին: Այդ սրբազան դաշինքը մեր ուժի ու հզորության աղբյուրն է: Այն ամրապնդվել ու ամրապնդվում է սովետական իշխանության տարիներին: Անդրկովկասի եղբայրական ժողովուրդների դաշինքը նրանց տնտեսական, քաղաքական ու կուլտուրական զարգացման կարևորագույն երաշխիքներից մեկն է: Ժողովուրդների բարեկամության զաղափարին հավատարիմ մնալը մեր սրբազան պարտքն է:

Վ. Ի. Լենինը հսկայական ջանքեր գործադրեց երկրամասի քայքայված տնտեսությունը վերականգնելու համար: Նրա անմիջական նախաձեռնությամբ ստեղծվեց Անդրֆեդերացիան: Անդրկովկասի ուսպուբլիկաների միավորվելը մեկ ընդհանուր տնտեսական և քաղաքական կենտրոնի շուրջը հսկայական ղեկ խաղաց Անդրկովկասի ժողովրդական տնտեսության վերականգնման և նրա բազմազգ ժողովուրդների տրադիցիոն բարեկամության ամրապնդման գործում: Անդրկովկասի միավորված եղբայրական ուսպուբլիկաները տնտեսական ու քաղաքական սերտ դաշինքի մեջ մտան Սովետական Ռուսաստանի հետ: Երկրամասի աշխատավորները կոմունիստական պարտիայի ղեկավարությամբ լծվեցին երկրի ժողովրդական տնտեսության վերականգնման և վերակառուցման աշխատանքին: Վ. Ի. Լենինը ուրախանում էր Անդրկովկասի, այդ թվում և Հայաստանի աշխատավորների հաջողություններով, օգնում նրանց ուղղելու թույլ տված սխալները, հայրական հոգատարությամբ հետևում ծավալվող իրադարձություններին: 1922 թ. դեկտեմբերին, երբ Լենինը ծանր հիվանդ էր և զամրած անկողնին, նրան այցի է գալիս Ալ. Մյասնիկյանը: Նրանց զրույցը ամբողջությամբ վերաբերում էր Հայաստանին և հայ ժողովրդին: Վ. Ի. Լենինը հարցնում էր, — զրույց է Ալ. Մյասնիկյանը, — թե արդյոք ոտքի կանգնել է Հայաստանը, ինչ դրության մեջ է այնտեղ բամբակը, ոռոգումը, պարենամթերքը, բավականաչափ և մոտ է արդյոք ազգային Կարմիր Բանակը, չեն նեղացել արդյոք «մանր մարդկանց», ագիտացիա չի մղվում արդյոք «ոռուական սվիններին» մասին և այլն:

Հայաստանի կոմունիստական պարտիան, ամբողջ հայ ժողովուրդը երախտագիտությամբ և ակնածանքով են հիշում մեծ Լենինին, որի անվան հետ է կապված մեր ժողովրդի վերածնունդը:

Դարեր շարունակ իր պետակաձև ու քաղաքական ինքնուրույնությունը կորցրած, ֆիզիկական բնաջնջման ահավոր վտանգի առաջ կանգնած հայ ժողովուրդը իր ազգային վերածննդի շրջանը թևակոխեց միայն սովետական իշխանության և կոմունիստական պարտիայի ջանքերի շնորհիվ:

Անգլիացի քաղաքական գործիչ Հարոլդ Բուքստոնը, որը առիթ է ունեցել Անդրկովկասում լինել 1919 թ. և ապա 1925 թ. և ծանոթ է հայ ժողովրդի պատմությանը, Լոնդոնում հրատարակած իր «Անդրկովկասը» աշխատության մեջ ճիշտ կերպով նկատել է, որ Սովետական Ռուսաստանը «ավելի շատ բան է արել հայերի համար, քան բոլոր արևմտյան տերությունները միասին վերցրած»:

Հոկտեմբերյան ռևոլյուցիան ՍՍՌՄ բոլոր ժողովուրդների համար ապահովեց ազգային իսկական անկախություն, քաղաքական և տնտեսական հավասարություն: Նախկինում տնտեսապես հետամնաց ազգերի առավել արագ զարգացման հետևանքով այդ ժողովուրդները հսկայական թոփք են կատարել

հետամնացությունից ղեպի արդյունաբերական ծաղկումը, արագորեն բարձրացրել են իրենց էկոնոմիկան, կուլտուրան և բարեկեցությունը:

Սովետական իշխանության տարիներին լիովին կերպարանափոխվել է նաև մեր ռեսպուբլիկան: Աննախընթաց վերելք են ապրում Սովետական Հայաստանի արդյունաբերությունը, գիտությունը և կուլտուրան: Մեր ռեսպուբլիկայում արտադրվող արդյունաբերական ապրանքների բազմաթիվ տեսակները (մամլիչ մեքենաներ, կոմպրեսորներ, տրանսֆորմատորներ, գնեռատորներ և այլն) լայն ճանաչում են գտել ոչ միայն եղբայրական ռեսպուբլիկաներում, այլև արտասահմանյան բազմաթիվ երկրներում:

Արդյունաբերության զարգացմանը զուգընթաց ծաղկում են Սովետական Հայաստանի քաղաքներն ու գյուղերը: Սովետական Հայաստանի քաղաքները հազարամյա հայ ժողովրդի զարթոնքի հոյակապ կոթողներն են դարձել, ներառել խորհրդանշում են մեր ժողովրդի վերածնունդը:

Սովետական իշխանության տարիներին անճանաչելիորեն փոխվել է նաև հայ գյուղի պատկերը: Ձեթի ճրագին փոխարինեցին Բլլիչի լամպերը, արորին ու զութանին՝ գյուղատնտեսական նորագույն տեխնիկան: Գյուղերում կառուցվել ու կառուցվում են տասնյակ հազարավոր բարեկեցիկ տներ, ակումբներ, դպրոցներ, հիվանդանոցներ: Գյուղը էլեկտրիֆիկացվել է, ռադիոն, հեռուստատեսությունը, կինոն, թատրոնը մտել են գյուղացու կենցաղի մեջ:

Սովետական Հայաստանը աշխարհին զարմացնում է իր գիտության ու կուլտուրայի զարգացման մակարդակով: Եթե նախասովետական Հայաստանում խոսք անգամ չէր կարող լինել գիտության որևէ օջախի մասին և նրա զավակներից հատուկնեւ երջանիկներին էր հաջողվում Հայաստանի սահմաններից դուրս կրթություն ստանալ, ապա այժմ մեր ռեսպուբլիկան պատված է բարձրագույն և միջնակարգ ուսումնական հաստատությունների խիտ ցանցով: Գիտահետազոտական հիմնարկների թիվը այժմ հասնում է 85-ի, որտեղ աշխատում են ավելի քան 6500 գիտնականներ:

Աննախընթաց կերպով զարգացել է հայ ժողովրդի հոգևոր մշակույթը, որը իր պատվավոր տեղն ունի ոչ միայն սոցիալիստական ազգերի, այլև համաշխարհային քաղաքակրթության մեջ:

Կոմունիստական պարտիան մեր ժողովրդին ճիշտ ուղի է դուրս բերել: Նա սովետական մեր հզոր հայրենիքի բազմազգ ժողովուրդներին համախմբել է մեկ ընդհանուր եղբայրական մեծ ընտանիքում: Վերածնված մեր հայրենիքը մագնիսի նման ձգում և իր գիրկն է հավաքում աշխարհով մեկ սփռված հայ ժողովրդի զավակներին: Սովետական Հայաստանը լենինյան ազգային քաղաքականության, մեծ Հոկտեմբերի գաղափարների կենսահաստատության վառ օրինակ է:

ВОЗРОЖДЕНИЕ АРМЯНСКОГО НАРОДА

(К 45-летию установления Советской власти в Армении)

Проф. Г. А. ГАЛОЯН

(Р е з ю м е)

Победа Великой Октябрьской социалистической революции в России ознаменовала коренной перелом в истории человечества. С победой Октябрьской революции на путь национального обновления вместе с другими народами России встал также армянский народ.

В тяжелые дни турецкого нашествия в Армению (1918 г.) только Советская Россия выступила с решительным протестом против захватчиков, против насилий по отношению к мирному населению. За годы своего господства дашнаки и турецкие оккупанты привели страну к экономической, политической и военной катастрофе. Борьба армянского народа против националистической контрреволюции и иностранных империалистов нашла полное понимание и поддержку в Советской России. И когда осенью 1920 г. вспыхнула спровоцированная империалистами Антанты армяно-турецкая война и турецкие завоеватели снова вторглись в пределы Армении, поставив армянский народ перед опасностью полного физического истребления, единственной страной, которая защищала интересы трудового армянского народа, была Советская Россия. 29 ноября 1920 г. Советская власть победила в Армении, что явилось поворотным пунктом в истории армянского народа.

В условиях Советской власти армянский народ достиг поистине грандиозных успехов в развитии народного хозяйства, культуры, науки и техники, в революционном преобразовании быта и жизни трудящихся. Возрожденная Армения—яркий пример воплощения мудрой ленинской национальной политики КПСС, подлинный триумф идей Великого Октября.